



Na osnovu člana 70. stav (3) i (6) i člana 72. stav (3) tačka (a) Zakona o javnim nabavkama („Službeni glasnik BiH“, broj 39/14) i člana 3 stav 1. Odluke o proceduri stvaranja obaveza, broj P-177/08 od 28. marta 2008. godine i broj P-177/08-I od 15. aprila 2009. godine, predsjednik Ustavnog suda Bosne i Hercegovine, donosi

ODLUKU

Član 1.

Poništava se odluka o izboru najpovoljnijeg ponuđača za nabavku tonera za potrebe Ustavnog suda Bosne i Hercegovine, broj P3-74/16-I od 11. jula 2016. godine, kojom je ugovor dodijeljen najpovoljnijem ponuđaču „PRIMAPROM“ d.o.o Banjaluka ponuda broj ZP 400/16 za ponuđenu cijenu od 8.325,40 KM bez uračunatog PDV-a odnosno 9.740,72 KM sa uračunatim PDV-om.

Član 2.

Prihvata se Preporuka Komisije za javnu nabavku iz zapisnika od 19. jula 2016. godine i ugovor za javnu nabavku tonera dodjeljuje se drugorangiranom ponuđaču „DEFTER“ d.o.o. Sarajevo, ponuda broj 04-07-1/16 za ponuđenu cijenu od 8.824,00 KM bez uračunatog PDV-a odnosno 10.324,08 KM sa uračunatim PDV-om.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav (2) Zakona o javnim nabavkama.

Obrazloženje

Odlukom o izboru najpovoljnijeg ponuđača za nabavku tonera za potrebe Ustavnog suda Bosne i Hercegovine, broj P3-74/16-I od 11. jula 2016. godine, ugovor je dodijeljen najpovoljnijem ponuđaču „PRIMAPROM“ d.o.o Banjaluka, ponuda broj ZP 400/16 za ponuđenu cijenu od 8.325,40 KM bez uračunatog PDV-a odnosno 9.740,72 KM sa uračunatim PDV-om.

Dana 15. jula 2016. godine ponuđač „PRIMAPROM“ d.o.o Banjaluka je dostavio dokumentaciju traženu tačkama 3.4 tenderske dokumentacije.

Uvidom u dostavljenu dokumentaciju utvrđeno je da ista nije dostavljena na način tražen Obavještenjem o rezultatima postupka javne nabavke od 12. jula 2016. godine odnosno da je ponuđač „PRIMAPROM“ d.o.o Banjaluka dostavio potvrde koje nisu čvrsto uvezane na način da se onemogućiti naknadno vađenje ili umetanje listova niti su numerisanih stranica. Pod čvrstim uvezom podrazumijeva se da potvrde budu ukoričene u knjigu ili osigurane jamstvenikom.

Iz gore navedenih razloga, te s obzirom da su u postupku nabavke tonera putem konkurentskog zahtjeva za dostavu ponuda dostavljene tri (3) ponude sačinjene u skladu sa uslovima iz tenderske dokumentacije, u skladu sa članom 72. stav (3) tačka (a) Zakona o javnim nabavkama, a na osnovu Preporuke Komisije iz zapisnika od 19. jula 2016. godine, odlučeno je kao u članu 1. ove odluke pa se ugovor za javnu nabavku tonera za potrebe Ustavnog suda Bosne i Hercegovine dodjeljuje ponuđaču „DEFTER“ d.o.o. Sarajevo, čija je ponuda po rang-listi odmah nakon ponude ponuđača „PRIMAPROM“ d.o.o. Banjaluka.

Ova odluka objavit će se na web stranici Suda www.ccbh.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

POUKA O PRAVNOM LIJEKU:

Protiv ove odluke može se izjaviti žalba predsjedniku Ustavnog suda Bosne i Hercegovine, najkasnije u roku od 5 (pet) dana od dana prijema, na način definisan članom 99. Zakona o javnim nabavkama. Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

Broj P3-74/16-II
20. juli 2016. godine
Sarajevo

Predsjednik
Ustavnog suda Bosne i Hercegovine
Mirsad Čeman



Dostaviti:

1. Ponuđačima: 3.-
2. Finansijskom odjelu
3. Administrativnom odjelu/Arhivi